



O SERGAS acepta analizar o déficit de profesionais e medidas a adoptar na categoría de enfermeira/o

CIG-Saúde solicitou en Mesa Sectorial a creación deste grupo de traballo, xa que a situación da profesión é crítica.

Está previsto un alto número de xubilacións e parece que o número de enfermeiras/os que saen anualmente das Escolas de Enfermería non vai ser suficiente para repoñer este déficit.

Nos hospitais e na atención primaria, están sendo frecuentes as ausencias sen cubrir, a denegación sistemática de LDs (días de libre disposición), permisos; co que as/os enfermeiras/os ven gravemente mermados os seus dereitos.

A pandemia agudizou aínda mais a sobrecarga de traballo, tanto en atención primaria coma hospitalaria, dando lugar a uns ratios de paciente/enfermeira inasumibles e que non permiten garantir a calidade asistencial.

É por isto que se fai necesario a creación deste grupo de traballo onde se analice o déficit de profesionais existente, a situación dos próximos anos e posibles medidas a curto, medio e longo prazo para dar resposta á sobrecarga asistencial así como a garantir os dereitos das/os traballadoras/es.